



河防一覽卷之十

奏疏

河臣潘季馴題

主事至元命
副使曹時聘

校訂

運同陳昌言編次

河工分派司道疏

臣潘季馴謹

題為檢查節奉

欽依河工分派司道各官以便責成以圖早竣事臣
於本年六月初二日到任隨行各司道查理勘
督河工工科都給事中常居敬先後具

題河上事宜除申飭禁例查覈賢否等項及議應

卷十

一百八十五

停寢者已經遵行外其應修應築工程逐一開
報前來隨准漕撫戶部右侍郎舒應龍揭帖內
一件為欽奉

敕諭查理河漕以保運道事內有添建鎮口閘接築
塔山支河縷隄議修清江浦隄外草壩剏築寶
應縣西土隄石砌邵伯湖隄疏濬裏河淤淺等
事一件為酌議河道善後事宜以裨運務以圖
永利事內有添設柳浦灣料廠一事其在淮揚
所應興舉者如此矣續該臣准工部咨為查理

河漕以重

國計事內有查復南旺馬踏嶺山馬場四湖建築
坎河滾水壩添建通濟永通二閘等事又准工
部咨為清復湖地以濟運道事內有查復安山
湖地壹事其在山東所應興舉者如此矣臣隨
自淮揚歷邳徐至山東沿河一帶地方逐一查
閱前項工程委於運道大有裨益相應作速興
舉勒限告成但道里寥遠工程浩大而中如修
復伍湖內皆有復斗門築長隄建滾水壩等工

卷十

二

三百七

尤為煩瑣若非分任責成或易推諉除建鎮口
閘塔山支河縷隄修清江浦外隄草壩添設柳
浦灣料廠先該漕撫右侍郎舒應龍行委南河
郎中羅用敬中河郎中沈修夏鎮主事楊信徐
州兵備道僉事陳文燧督同淮安府管河同知
徐伸姜桂芳徐州判官鄭簡等見在興舉已有
欠策臣照舊督行各官上緊築砌外其興築實
應縣西土隄二十里石砌邳伯湖隄二十里疏
濬淮安至儀真一帶裏河淤淺查係南河郎中

羅用敬海防道副使周夢暘地方三工俱當以
中爲界北段屬之羅用敬南段屬之周夢暘查
復馬踏湖添建校隄集永通閘則委之北河郎
中吳之龍而應築土隄修復王巖口滾水石壩
俱以屬之該司矣查復蜀山湖建築坎河壩則
委之南旺分司主事蕭雍而築隄束水修復滾
水大壩俱以屬之該司矣查復馬場湖添建火
頭灣通濟閘則屬之濟寧管河道按察使曹子
朝而封界子隄一道安居斗門三座俱以屬之

該道矣查復南旺湖地則委之東交道左叅政
郝維喬而修復邢通等口一十二處張住口斗
門一座封界子隄一道中亘長隄一十四里俱
以屬之該道矣查復安山湖則委之曹濮道僉
事劉弘道而封界子隄新建八里灣似蛇溝二
閘俱以屬之該道矣至於管河同知通判及州
縣掌印管河等官隨其地之所屬聽各該司道
徑自分委如有不足不妨選取別郡賢能者而
用之也至於關提夫匠查取物料司道有不免

於互相資藉者又當通融幫助以普同心共濟之義不待臣丁寧告誡之矣既經分派停當恭候奉有

明旨之後各官一面鳩工庀材水落舉事定限明春三月內完工以慰

聖主南顧之懷以圖運道永賴之利毋得失時廢事致有墮誤中間斗門隄壩等項瑣屑事宜或於原議稍有參差如先遠而今宜稍近先近而今宜稍遠先多而今宜稍減先無而今宜添設大

卷十

四

同而小異者不妨相度地形臨時擬議以憑裁酌臣同各該撫按及巡鹽御史不時查閱工完之日容臣分別勤惰疏名上

請恭候

聖裁伏望

敕下該部再加查議如臣所言不謬擬議覆

請行臣遵奉施行庶事體不淆而責成自易人心競

奮而告竣可期矣謹題請

旨奉

聖旨工部知道

工部覆前疏

題爲檢查節奉

欽依河工分派司道各官以便責成以圖早竣事該
總理河道右都御史潘季馴題前事等因奉

聖旨工部知道欽此欽遵抄出到部送司案查萬曆
十六年四月內該查勘督理河工工科都給事
中常居敬總督漕運戶部右侍郎舒應龍各題
爲欽奉

卷十

五

敕諭查理河漕以保運道事內條議古洪閘以外添
建鎮口閘座并接築塔山支河縷隄等項本月
內又該查勘河工都給事中常居敬題爲酌議
河道善後事宜以裨運務以圖永利事內條議
申飭閘規并添設柳浦灣料厰五月內又該查
勘河工都給事中常居敬巡撫山東右副都御
史李戴各題爲欽奉

敕諭查理漕河以重

國計事內條議查復湖地積水濟運并建築坎河

滾水壩各緣由俱經本部覆奉

欽依備行各該撫按及總理河道等衙門轉行管河
司道一體欽遵訖今該前因相應具題案呈到
部看得山東至淮揚一帶河道應修應築處所
地里寥遠工程浩大提綱挈領雖在總理大臣
而畫地効勞必須庶司分任所據河道都御史
潘季馴題稱將各處工程量其地之遠近險易
分委各該司道等官管理區處當而勞逸適均
任使宜而責成尤易俱應如議題請恭候

命下本部備咨總理河道并鳳陽山東各巡撫衙門
一體遵照施行及行管理河道泉源閘壩郎中
主事管河守巡各道查照分地督率府州縣管
工官員竭力修治本部仍咨都察院轉行各該
巡按巡鹽御史各照所轄地方不時稽察工程
期于同心共濟倘興工前後或有事體與原議
稍異者即便從宜處置或有原議未盡者不妨
另行增補悉如原題定限十七年三月終通完
其總河大臣仍親自查閱委果工程堅固足保

無虞從實

奏報於內一有推諉誤事即時叅處工完之日將
做過工程錢糧夫役等項造冊

奏繳青冊送部備查其效勞大小官員分別勤惰
題

請以俟賞罰伏候

聖明裁定敕下臣等遵奉施行奉

聖旨是河道工程着司道等官各照分定地方用心
管理上緊完報不許踈玩

卷十

七

二百廿五

議留河工米銀疏

臣潘季馴謹

題為查議河工緊急工費以免臨期匱乏事據管
理南河工部都水司郎中羅用敬管理中河工
部都水司郎中沈修整飭淮揚海防兵備道副
使胥遇整飭徐州等處兵備道僉事陳文燧會
呈先蒙總督漕運提督軍務巡撫鳳陽等處地
方戶部右侍郎兼都察院右僉都御史舒應龍
信牌前事照得

國家歲漕轉輸必資河運而河防歲修築隄疏淺
工費不貲額編錢糧十無二三每每那移曲處
至今匱竭已甚誠為無米之炊夫

國家治河濟運事干河南山東直隸三省直地方
然山東運河甚安河南有黃河而無運河直隸
則自徐至淮五百里以黃河為運河自淮至揚
四百里以重湖為運河防守要害緩急迥不相
同今在山東河南則供以全省之力在直隸則
僅取足於四郡積災之民惟於工費不敷歲多
修築未堅無恠其歲修歲圯而淤決之患終不
免也見蒙

聖上軫念河漕大計

將遣工科親詣督勘必欲為河漕久遠永利之策工
費錢糧即為首務備仰司道會同即查過淮漕
糧參陸貳陸輕齎銀內例復貳升河工米折銀
壹分後以通車河成改解太倉濟邊見今九邊
款貢餉邊年例頗減於舊如以河工之銀仍充
河工之用本係正徵正支似為經久可恃再查

萬曆元年瓜州閘座建成南京江北各衛軍船直達水次省免浙江杭嘉湖直隸蘇松常鎮等府顧覓江船七升米銀已經前任總理河道侍郎萬恭議題量復一升折銀備修江南河道其餘陸升免徵於民即今應否於內再復數升以充修河之費逐一會查的確作速呈詳以憑酌議施行蒙此行間又蒙本院信牌為查議河道錢糧事照得淮揚濱河一帶隄岸係于運道噤喉歲修工程方殷需用錢糧甚急况兼工科都

給事中常居敬題奉

欽依應築邵伯湖石隄壹道計二十里該銀二萬二千九十七兩捌筭寶應西隄一道計二十里該銀四千一百三十一兩亟宜興舉應用錢糧俱合查議仰司道會行淮安府即查原議歲修銀三萬兩自萬曆九年起至十五年止某年某處用過若干尚存若干有無拖欠作何催補各工有無足用及近議邵伯寶應土石二工錢糧作何區畫俱要明白聲說從長計議如有別項堪

動錢糧就便斟酌停妥會呈前來通詳漕撫衙門以憑覆覈會

題等因蒙此當該司道會同淮安府查勘去後隨據該府回稱卷查萬曆八年十一月內蒙本院題奉

欽依歲修銀三萬兩內該鹽運司帶徵鹽引銀一萬八千兩河南協濟銀九千兩淮揚兩鈔關并徐州戶部稅銀三千兩每年徵解淮庫專備各工支用後因十四年鹽滯商困該司奉文蠲免四

卷十

十

頁七朱

千五百兩三鈔關稅銀期滿仍解戶部隨該司道會議將山東河夫銀四千五百兩并撥瓜儀盤壩脚米銀徐屬派剩麥銀係原議解給徐呂二洪靈壁等處夫銀之數共二千陸百餘兩抵補前額呈蒙題奉

欽依在卷近又該山東撫按題

准原議河夫銀兩仍留彼處募夫挑漕其在河南九千兩除節年拖欠一萬三千餘兩外又以去歲衝決異常該前任總督漕撫侍郎楊一魁具

題停免議將漕糧輕齎參陸貳陸漕米二升河工
銀留准支用該部議覆止將十六年分數內量
留九千兩抵作河南應解之數以後年分該省
照舊徵解漕庫等因欽遵外今查自萬曆九年
起至十五年止各處解到銀兩盈縮不一節經
奉文支盡除將收支細數另行冊報外尚有借
用未補應給未支江都高寶山陽清河等處工
銀實該一萬七千九百六十四兩八錢二分零
徐呂洪夫工食額於瓜儀二壩各衛所挑盤脚

米銀內扣存一千五百七十八兩比因去年各
處災傷減存漕船數多止扣有脚米銀六百一
十三兩三錢八釐零其餘九百六十四兩六錢
九分零尚無扣補徐屬欠解原派剩麥銀一千
五十九兩即今高寶江都山陽清河一帶喫緊
工程俱因前銀不敷止領一半各該有司仰體
朝廷運道爲重東那西借朝給暮空終非常策且
伏秋修守之候臨時支用不常又不知約用幾
何查得江南雇覓江船米免徵七升續雖議復

一升而六升仍蠲在民也相應於六升之內再復二升該糧一萬一千三百七十七石九斗七升六合八勺八抄折銀五千六百八十八兩九錢八分八釐四毫四絲輕齋扣米二升折銀一分近雖解濟邊餉而其始乃修河故物也相應於內歸還河工一升該糧二萬七千五百石折銀一萬三千七百五十兩通共該銀一萬九千四百三十八兩九錢八分八釐四毫四絲與同舊額見該徵解實銀通收淮庫作歲修支用等

因呈報前來據此又該司道會同覆覈無異况去年雨水異常今歲工程倍於往昔其所估者過其數於原額之外其所收者減其數於原額之中那借者無從查補見在者何憑支給各工皇皇誠猶捧漏卮沃焦釜昔知其所措者今據該府所議前項江南雇船米一升外再復二升并於輕齋二升米銀內歸復河道一升俱係河工正額錢糧向因邊防告急河道無虞故暫爲借處以濟邊也今胡欵貢河道多艱原額錢

糧委應歸復供乞早爲題

請以濟工程又查得近該工科都給事中常居敬題
築邵伯湖石隄二十里該銀二萬二千九十七
兩寶應西土隄二十里該銀四千一百三十一
兩皆係

欽依緊要工程向因所議錢糧原未註有定項迄今
尚未興舉乞查別項堪動錢糧一併題

請支給應用以便早竣等因會呈到臣據此該臣會
同總督漕運提督軍務巡撫鳳陽等處地方戶

卷十

三

二百九十五

部右侍郎兼都察院右僉都御史舒應龍議照
運道之設專爲歲漕歲漕之遲速係運道之通
阻其休戚常相關也若徒求速于歲漕而不先
求通于運道徒求通于運道而不先求務乎歲
修徒求務乎歲修而不先求裕于工費皆非知
務者矣我

國家歲漕四百餘萬皆由瓜儀入閘以至通惠河
綿亘三千餘里山東濟寧州以北原無衝溢之
苦疏濬歲有常規額辦足資工料姑置勿論矣

惟是淮南則多諸湖之險淮北則有黃河之患
波濤之衝刷隄岸之坍塌無歲無之故歲修之
錢糧亦無歲可缺者先該臣于萬曆八年十一
月內會同漕撫衙門題

請河道歲修銀三萬兩今查數內鹽運司帶徵鹽引
銀已蠲四千五百兩復還戶部三廠稅銀三千
兩尋改山東徐呂靈璧河夫銀未期而山東撫
按復議留彼處挑濬難以解銀而徐呂靈璧河
夫銀又多缺少且彼處工程頗多夫役亦似不

可少者河南歲該解銀九千兩節年拖欠一萬
三千兩又以去歲衝決異常十六年議停徵矣
是原

題三萬之數僅存鹽引銀一萬三千五百兩耳及
查該司道所報今歲歲修銀已費四萬一千四
百八十兩有奇是所出之數浮於所入之額已
三倍矣目前似已不支他日必至債事誠不可
不預爲之計者又該都給事中常居敬題奉

欽依議築寶應縣西土隄二十里束水刷沙俾無膠

淺之患江都縣議砌邵伯隄石工二十里捍湖
衝激俾無傾潰之虞皆係喫緊工程共該工料
銀二萬六千二百二十八兩原未議有動支何
項錢糧見今束手以待是連前歲修銀三萬兩
并借用未補應給未支銀一萬七千九百六十
四兩八錢二分共該銀七萬四千一百九十二
兩八錢二分洗鍋待爨不可時刻緩者而帑如
懸磬將何以支所據司道議將輕齎二升米銀
歸復河道江南雇船停徵米六升內再復二升

一節誠非得已但臣等反覆思惟蘇松常鎮并
杭嘉湖等處正當大祲之後民不聊生豈可復
行加派隨查得輕齎扣留二升米銀原係河工
支用之數萬曆四年該漕撫都御史吳桂芳奏
留一年為挑濬草灣之用萬曆六年該漕撫都
御史江一麟奏留二年為補造缺船之用臣等
今日河工較之前項支費尤為緊要伏望

皇上俯念運道至重

敕下該部准將輕齎一升米銀聽留河工支用三年

之後修築少闕仍以一升米銀解赴戶部餉邊
餘米一升准作河上歲修銀兩庶幾歲修不廢
新工可興而河道安流歲漕無阻矣臣等復又
查得前項銀兩業已盡數解部必須守候明年
新運方可徵解相去尚遠難救燃眉合無恭候
命下容臣等先於漕庫或淮安府庫借支別項銀兩
應用俟輕齎米銀解到之日照數補還則工可
刻期而告竣自早矣謹題請

旨奉

卷十

六

聖旨該部知道

戶部覆前疏

題爲查議河工緊急工費以免臨期匱乏事該總
理河道右都御史潘季馴漕運都御史舒應龍
各題同前事俱奉

聖旨該部知道欽此欽遵通抄到部送司案呈到部
看得河道都御史潘季馴漕運都御史舒應龍
會題近該都給事中常居敬題奉

欽依築砌寶應土隄邵伯石隄共該工料銀二萬六

千二百二十八兩未議動支何項錢糧要將輕
齎一升米銀留用三年之後仍以一升米銀解
部節遺一升米銀准作河上歲修應用一節臣
等查得輕齎二升米銀原備修河之費嗣因通
惠河成改議解部濟邊今總理督臣潘季馴等
議留築砌實應邵伯湖隄是以正項留充正用
况係緊要工程相應依擬覆請恭候

命下本部移咨河道都御史潘季馴漕運都御史舒
應龍查將淮庫別項銀兩先借支二萬六千二

卷十

七

二百五十二

百二十八兩趁此秋冬水涸作速興工築砌俟
新運輕齎二升米銀解到不必拘定年限照數
補完餘銀仍行解部濟邊以後凡遇有應修工
程不妨照數再行奏留如無工程即以濟邊隨
時通融不必各分其半以致臨時支用不敷又
煩瀆

部仍咨工部知會伏乞

聖裁奉

聖旨是

申明修守事宜疏

臣潘季馴謹

題爲申明修守事宜以圖永賴事伏念臣負譴餘生甘心草莽謬蒙我

皇上由垂矜貸復

賜甄收

高厚洪恩實均罔極受事四月夙夜靡寧且當修防已弛之後復值河水暴漲之時東支西吾既竭心力諏諮荒度益信歲修之工不可緩也敬陳

卷十

六

覲縷恭候

聖明裁察臣竊惟治河之法別無奇謀秘計全在束水歸漕歸漕非他即先賢孟軻所謂水由地中行而宋臣朱熹釋之曰地中兩崖間也束水之法亦無奇謀秘計惟在堅築隄防隄防非他即禹貢所謂九澤既陂四海會同而先儒蔡沈釋之曰陂障也九州之澤已有陂障而無決潰四海之水無不會同而各有所歸也故隄固則水不泛濫而自然歸漕歸漕則水不上溢而自然

下刷沙之所以滌渠之所以深河之所以導而入海皆相因而至矣然則固隄非防河之第一義乎而歲修之工舍固隄其何以乎臣於萬曆六年三月內祇承

明命總理河漕急趨淮徐視之黃決崔鎮而北淮決高堰而東而淮揚高寶之水泔洞無涯匯爲巨浸觀御史陳堂疏中所謂東橫西決散爲洪流自徐邳以下至淮之南北不啻千里流離漂沒莫可勝數居無尺椽食無半穗上阻運道下墊

卷十

五

民生而比時兩河情狀蓋可想矣臣即首擬合淮黃二流以復其本來之性築遙縷二隄以防其潰決之虞具疏上

請謬荷

溫綸刻期興工十月告竣年逾八載並無隻艦漂流粒米狼籍而昔日流遺之民仰戴我

皇上生成之恩咸歸故土比屋而居夫不意爲日旣久人情遂弛掌印管河官視兩隄爲贅旒矣歲剝月蝕殘缺頗多臣於六月初二日受事即申

飭各該司道嚴督掌印管河等官分投幫築晝
夜修防寢食不寧者逾三月矣然立法易而守
法難守法於一時易而守法於長久難臣於萬
曆七年告竣之後將善後事宜種種陳
請而臺省諸臣亦相繼題奉

俞命矣而近年以來行者無幾失今不爲申飭數年
之後又當何如哉故敢以修守事宜摘其喫緊
最關河防者條列于後伏望

敕下該部再加詳議如果臣言有裨

俯賜允行

特降嚴旨容臣刪削簡明榜諭分發司道并各該掌
印管河官置之座右庶幾常加省閱按時修舉
而可免踈玩之虞矣謹題請

旨

計開

一久任部臣以精練習臣竊謂天下之事
皆可以揣摩測度而得之而惟治河一
事非身親經歷足遍而目擊之則文移

調度之間終屬影響故以大禹之智必
十有三年而後成功蓋其諏諮荒度非
假以歲月之久不得也何也水性有順
逆河情有分合地勢有夷險隄形有高
卑某處迎溜作何捲築以當其衝某處
掃灣作何幫護以防其汕至於分派官
夫皆有定額置辦器具各有攸宜儲蓄
物料栽插柳株一切瑣屑事宜種種皆
須料理總理衙門眇然一身控制于數
千里之間豈能一一身親爲之哉所恃
者分司與該道而已而該道不免有錢
穀刑獄兵戎之事撫按倚辦甚殷豈能
專心河務故總河之所恃以幹濟者分
司官爲多也但部臣初至地方未知原
經首尾歲月稍久頭緒頗知而轉擢之
報又至矣臣於萬曆八年具疏題

請久任奉有

成命而數年之間卒未有能行之者又何怪乎河工

之作辭也信也

敕下該部再加查議如遇中南兩河郎中員缺即於
工部主事查有曾經分司河上及屬俸
未及三年者遴選推補查照舊規新例
交代以河上事體轉相傳告代後克脩
職業任內並無踈虞容其歷俸九年方
為破格遷擢則練習久而河防自熟區
畫當而河患可弭矣臣又查得見任南
河郎中羅用敬中河郎中沈修才識敏

卷十

五

練勤恪自將臣受事以來屢試諸艱輒
有成驗但俸資俱有六年轉擢之期將
至伏望此照原任中河郎中陳瑛事例
俟其九年考滿方與優處實於河道大
有裨益伏乞

聖裁

責成長令以一事權夫州之有守縣之
有令即家之有長也家務繁瑣不得不
分任於子弟或司耕作或司出納或司

交際雖各有其人而鳩工庀材備物致用未有不取裁于家長而能成者臣嘗以責成掌印官爲

請而勘工給事中尹瑾兼管河道御史姜璧皆先後具

題奉有

聖旨矣官吏更換若罔聞之臣頃於閱視之時見河水將發急若燃眉問其物料則曰某所官承買未至也問其夫則曰某處調用

卷十

三

二百五

未補也問其時日非一月即兩月也問之掌印官則曰不知也如此而寧有不墮誤者哉臣伏願自今伊始調度夫後備辦物料則責之掌印官趨事赴工董率巡守則責之管河官如有疎虞掌印與管河官同罪至於郡之有守關係尤重瑣屑之事固難責成而提綱挈領區裁督察使守令有所受成者郡守之責矣伏乞

聖院並北運總部

一禁調官夫以期專工臣惟治河有定議而防河無止工工之不可止者乃所以成其議之一定而不可撓也何也治河之道惟有抹偏補弊之法必無一勞永逸之事也不然則禹之治水可稱萬世永賴矣何不數百年至商之祖乙而都圯於河蕩析離居遂有盤庚之遷也蓋禹法不守而河防久弛也故管河之官

必以河爲責而他務俱所未遑防河之夫必以河爲事而諸工有所不逮朝于斯暮于斯飲食起居必于斯功以久積業以專成如此而猶有傾圯頽敗之患者臣所未解也近該工科都給事中常培敬將管河官查照清江造船廠官事例凡係管河官專屬河道部司年終考覈分別賢否徑呈督撫咨部施行不許別謀差委題奉

聖旨近年管河佐貳等官多有營求差委妨廢職務不行用心防守的總理衙門務遵敕諭拏問重治不許姑息其餘依擬行欽此人心或知警畏而於夫役一節未經申明臣

請自今伊始凡遇差委管河大小官員及調用各項夫役必須申呈總理衙門批允方許委調如有抗違容臣指名叅究庶幾人無廢事而工可責成矣伏乞

聖裁

卷十

二十五

百六十五

一預定工料以便工作志有之防河如防
至而後為治兵繕甲之計則必為
所乘河漲而後為鳩工聚材之計則
必為河所乘此一定之理也臣

請于秋防告竣之後至十月中旬各該司道即便會行各掌印管河官沿隄踏勘分為三等以逼臨河濱當衝最急者為第一等或改築或加幫或添築馬頭埽應委何官管理用夫若干應辦何項物料若干用

銀若干次險者為第二等又次者為第三等官夫物料遞加減殺造冊開報司道覆核停當定限十一月初旬類報總理衙門批允查照分撥應辦物料即行各掌印官支領歲修銀兩如數買辦定限正月半以前報完隨即興工定限四月初旬告竣每歲著為成規違誤定行叅治庶事以預立功以早成而無臨渴掘井之患矣伏乞

聖裁

一立法增築以固隄防臣竊惟天下之事不日益則益損而夫人之情不日檢別日弛故自古帝王立法歲有成月有要日有考未有不如此而能成久安長治之業者也淮徐之民十年以來所以得免魚鱉之患而運道不致梗阻者恃有遙隄也先該給事中尹瑾慮恐歲久坍塌

塌題

請每歲行令管河官率領守隄官夫務將各遙隄定
限加高五寸加厚五寸年終司道官躬
親覈驗開報河漕衙門造冊奏

聞每三年遣官一員前去閱視分別叙錄參究等因
工部覆奉

聖旨慶工歲修當視其低薄處隨宜加築豈得定以
伍寸爲限河漕當事諸臣能嚴督地方官着實經
理視國如家何事不成亦不必數數差官閱視反
滋多事其餘依擬行欽此仰見我

卷十

三

皇上體念河臣欲其事權歸一且便責成也三年差
官閱視委爲煩瑣不敢瀆陳矣至於加
幫一節向因漫無稽考未嘗有分寸幫
補雨水之霖滴車馬之蹂躪如歸仁象
山磨臍溝等處剝蝕過半矣臣伏觀
大明會典內開各處河隄每歲加高一尺加厚一尺
年終管河官具數奏

聞是

祖宗成法炳若日星大小河臣所宜世世守之者也

但河夫屢經裁減為數不多欲其加幫
高厚各一尺力有未逮臣又查得隄身
兩傍率多蔓草盤結足堪濳護若欲加
土必須去草反為不美臣見行司道官
將各隄坍塌卑薄者以原隄丈尺為準
先行加幫取平至明年或可竣事臣

請自十八年為始每歲司道官督令管河官率領夫
役務覓真淤老土加高五寸不許夾雜
浮沙苟且塞責再查護隄之法無如栽

柳為最而栽柳陸法無如卧柳為佳蓋
取其枝從根起扶蘇茂密足抵狂瀾也
每隄一丈栽柳十二株每夫一名栽隄
三丈柳樟以徑二寸為則離隄以二尺
為準隄內栽完方及隄外如有枯死隨
時補種年終管河官呈報咨該司道要
見本隄原高若干今加五寸共高若干
栽過柳株若干司道官躬親驗覈詳報
總理衙門覆覈無異造冊奏

聞其不合數及不如式者指名叅究庶幾事有成規
而人知法守矣伏乞

聖裁

一添設隄官以免違制臣竊惟當官之事
兼攝爲難而以最卑之官攝最遠之事
爲尤難臣於萬曆七年建復高堰之隄
以捍橫流於淮郡之東矧築柳浦灣之
隄以遏狂瀾於淮郡之北十餘年間利
賴於二隄者良不淺矣第因比時冗員
之禁方嚴不敢多求添設故止

卷十

二十九

請高堰大使一員兼攝柳浦灣一帶隄務但查高堰
之隄增築已幾百里而柳浦灣之隄起
自清江浦以至高嶺戴百戶營延袤一
百三十餘里伏秋之時顧此失彼一大
使豈能日奔走於二百里之間耶縱委
義民等官不過虛應故事豈肯在隄防
守前歲范家口之決實由此也臣

請添設柳浦灣大使一員任劄本隄要害去處自清

江浦起至戴百戶營一帶遙隄付之管理應用夫役即於高堰八百名數內哀出三百再於南河隄淺夫內哀出二百共夫五百與之其高堰大使專管本隄各令晝夜巡邏遇汕即補廢地有專轄而功可責成矣臣已行司道會議通詳未報乞

敕工部轉咨漕撫都御史及咨都察院轉行巡按巡鹽御史再加查議如果相應添設覆

請施行不勝幸甚伏乞

聖裁

一 加幫真土以保護隄臣查得淮水發自河南桐栢山挾七十二溪之水經鳳泗東入于海然至泗州而龜山橫截河中即

基運山圖中所云灣如牛角勢樣非凡者是也下沙一轉廻瀾西顧此於風氣實爲完美然伏秋之時不免湧漲亦由此也臣讀宋

臣歐陽修先春亭記其畧有云景佑三年泗守張侯問民之所素病而治其尤暴者曰暴莫大于淮明年春作城之外隄因其舊而廣之高三十三尺土實石堅捍暴備災可久而不壞又云泗天下之水會也又云先時歲大水州幾溺張侯夏守是州築隄以禦之今所謂因其舊者是也夫曰尤暴者莫大于淮則知淮之為暴於泗舊矣曰隄高三十三尺

則知水之高矣先後州守惟以築隄為事則知禦淮之策舍隄之外無策矣今查泗州護城隄高不及宋三之一然幸當水一面甃石可恃但石內土隄皆係浮沙一遇霖雨輒至坍塌損土隄一圮石將安附不可不慮也臣於六月間躬往閱視即行潁州兵備道及該州知州蒲朝杜令其覓取真土另加堅築第木隄丈數頗多工費不少錢糧難處延久未

報臣請

敕下工部咨行撫按衙門多方計處覆

請施行庶護隄可恃而州民獲安矣再查

基運山去州一十餘里地勢高峻嘉靖十四年間該

先任總理河道都御史劉天和令匠役

王良等量得地形迥高二丈三尺一寸

則又與州不同東麓石隄見在查修臣

故未及之也伏乞

聖裁

一接築舊隄以防淤淺臣竊惟清口乃黃
淮交會之所運道必經之處稍有淺阻
便非利涉但欲其通利須令全淮之水
盡由此出則力能敵黃不爲沙墊徃歲
高堰潰決淮從東行清口遂爲平陸高
堰旣築獨慮清河縣對岸王家口等處
淮水從此決出則清口之力微矣臣於
萬曆八年行郎中余毅中即於本處築
隄一道以防其溢數年之間清口利涉

實賴于此不意鳳泗商販船隻又於本
隄之東盜掘一渠取便從來歲久成河
已濶九十餘丈淮水盡由此出清口不
免淤淤臣查得此處係清河對面地方
該縣知縣出入之間一覽在日何致任
其盜決汪洋北注而若罔聞之且不以
報也其秦越肥瘠亦甚矣除臣見在查
理及行司道官候淮水消落接築長隄
一道務期堅久可恃外臣

卷十

三十三

隄成之後專責清河縣知縣管理每歲派定官夫
時加幫補如遇水發率同地方人等晝
夜巡邏以防盜決儻有疎虞即將掌印
官察治蓋此隄即在縣治之前較之他
所不同而掌印官常川在縣較之管河
官尚有他處奔走者又不同也伏乞

聖裁奉

聖旨工部知道

工部覆前

興亞院華北連絡部

京師功成之日詳陳善後事宜其要歸于修隄束水使之歸漕其法甚備乃日久人玩迄于去年黃河再溢幾至不支則隄漸圯而歲修之法漸廢也季馴荷蒙

召用再履茲任乃舉舊法而重新之又擇其中喫緊最關河防者列爲八款疏請

嚴旨特加申飭蓋思保前功于不毀杜後患于將來不圖旦夕苟且之安而爲

國家久遠之計通應依擬恭候

卷十

三五

夏全泰

命下本部移咨吏部及總理河道鳳陽山東河南保定各巡撫衙門并咨都察院轉行各該巡按巡鹽巡漕御史仍劄各管河管泉郎中主事督行各該司道府州縣一體遵行仍聽總河衙門將題

准事理刊刻簡明榜諭分發各該官員置之座右常加省閱按時修舉庶法守常存而河防永賴也

計開

一久任訶臣以精練習

前任看得河工最良治河最難其司道
各官非久于其任精于其業鮮克有
成者今河臣潘季馴灼知其故申議
久任之法特以中南兩河郎中為請
而又舉見任郎中羅用敬沈修賢能
令歷任九年方行優擢蓋兩河之地
甚要則倚辦甚殷且見任郎中既稱
得人是誠不可數易者合無悉如所
議今後二河郎中員缺

卷十

三六

百四十六

敕下吏部即于工部主事查有曾經分司河上及歷
俸稍淺者遴選推補俟後查果職業
克修容令歷俸九年方為破格遷擢
其南河郎中羅用敬中河郎中沈修
俸資已及六年相應比照陳瑛事例
俟其九年考滿方與優處如有異績
即于京堂缺內推用蓋必有超遷然
後可以行久任此又法之相須者也
伏候

一責成長今以一事權

前件看得萬曆八年該總河潘季馴與科道諸臣先後具題將河防事宜責成州縣守令已經奉有

明旨乃數年以來亦未見舉行則以積習久而賞罰不信也不知趨事赴工雖管河佐貳之責而催辦調度則州縣守令之事苛責佐貳而緩于守令宜事功之不

卷十

三

三

集也今總河潘季馴申明前議要將守令與佐貳凡有河道踈虞一體治罪而終復歸重于郡守深得提綱挈領之意相應依擬凡河上工程不起則坐佐貳錢糧夫役不備則坐守令至于郡守有總理一郡之責倘河道踈虞亦當權其失事之重輕察其平日治河之勤惰而殿最行焉則賞罰必信上下相維而人知激勸矣伏候

法全在歲修若物料不備是無米而
炊粥也若修防不豫是臨渴而掘井
也大約黃河泛漲常在伏秋然至伏
秋而始為修防之計即無及矣今議
欲于秋防竣後至十月中旬即委司
道督同各掌印管河官沿河踏勘分
別三等而物料夫匠亦以次減殺其
動支錢糧選委員後通限十一月內
計議停當類報總河衙門批允正月
內辦完物料隨即興工四月初工程
告竣每年著為定規後期者務處深
得先事預防之意相應依擬舉行仍
令將每年踏看計料與興工月日備
咨本部查考代候

一立法增築以固隄防

前件看得淮徐之間河流咫尺而其民
免于昏墊者以遙隄一線為之捍隔

耳自有隄以來年復一年風雨剝蝕
車馬蹂躪日就卑薄勢所必至者先
該給事中尹瑾題

請加築高厚各五寸節奉

聖旨隄工歲修當視其低薄處隨宜加築豈得定以
五寸爲限欽此臣竊思之限以尺寸者每年修守
之常不限以尺寸者一時補偏之法
若低薄而止加五寸則必無成功若
歲修而亦欲隨宜又漫無稽考二者

卷十

四

二百五十三

原當並行而不可偏廢今該河臣潘
季馴復爲題

請合無查照所議自十八年爲始每歲修隄高厚俱
以五寸爲限遇有低薄處所即便隨
宜加築務令與老隄相等不許夾雜
浮沙苟且塞責年終各司道將修築
過隄岸親行查覈尺寸類報總河衙

門覆覈造冊奏

興亞院華北總局

聞有不如式者指名參究至于栽柳護隄之法纖悉

曲當俱應如擬伏候

聖裁

一添設隄官以免遙制

前件看得高堰柳浦灣二隄綿亘二百餘里止以一大使往來兼攝勢單地遠顧此失彼恐致踈虞今議要將原設大使專管高堰而柳浦灣一帶自清江浦起至戴百戶營止另設大使一員專管應用夫役即于高堰八百

卷下

聖

二百〇一

名數內裒出二百名及南河隄淺夫內裒出二百名共出五百名與之晝夜防守遇汕即補河臣之議已當似應免行彼處撫按覆查移咨吏部徑自添設廢官有專責而隄防可固伏候

聖裁

一加幫真土以保護隄

前件看得泗州雖為水會而

基運山從峙其北地形高峻風氣完美且東麓石隄見在查修似尚可無水患惟是州城卑窪僅有石隄一帶捍禦慕淮而隄內多係浮沙雨水淋漓輒至坍塌土隄一圯石將安附可不為之寒心邪河臣潘季馴躬親閱視題議幫築真土以固石隄委宜亟舉但其一應錢糧夫役與夫派委官員等項俱未有成議且前項工程尤於保障地方為

切合無容行淮揚撫按會同總河衙門作速計處停當具題前來以憑覆

請施行伏候

聖裁

一接築舊隄以防淤淺

前件看得清口乃淮黃交會而淮黃原自不敵然清口所以不至壅淤者以今淮皆從此出其勢足以敵黃也若分之則必致壅淤先年淮決高堰而

清口遂成平陸可鑿矣今王家口隄被商販盜決淮流之勢已分將來清口淤澗道阻塞患必由之此隄在清河縣對岸而該縣任其盜決罪將誰諉今議欲行司道官候淮水消落接築長隄隄成之後專責清河知縣管理無事派夫修築有事責令看守稍有疎虞卽行叅治庶幾責任既專而隄防可固相應依擬伏候

卷十

聖

聖裁奉

聖旨河道每歲修防先年題有定規乃各該官員不行着實遵守曠職誤事這所議俱依擬行如有仍前怠玩的總河官指名叅奏重治

議守輔部長隄疏

臣潘季馴謹

題為議守輔部長隄以防水患以保民生事臣竊惟大名府為輔郡要地關係匪輕去歲黃河決入長垣東明地方滄沒田廬漂溺人畜上廩

宸衷特差工科都給事中常居敬會同撫按諸臣培築先年長隄一道兩縣之民方有更生之樂臣受事之後即行大名兵備兼管河道副使侯堯封備查水決緣由及自後修防事宜去後隨據回稱大名府所屬開州清豐南樂滑縣並無河道元城大名魏縣內黃濬縣境內止有漳衛二河如遇淤淺隨即挑濬並未設有管河官員去歲黃河泛漲從荆隆口衝決大社隄渰沒長東二縣近蒙

題加該府通判李敷榮長垣縣縣丞張九二東明縣縣丞徐衍兼管河防原無設有人夫如遇雨水淋衝即撥鄰近火夫修補歲修錢糧止有每年額徵蒿草銀三百三十六兩一錢九分三厘並無別項銀兩及將善後事宜開報到臣臣以未經目擊不敢妄議隨於九月初七日起程前往長東二縣踏勘行至板廠地方有長隄一道即係工科都給事中常居敬與同撫按諸臣去歲所督築者也東至山東曹縣白茅集西至河

南封邱縣新豐村共長一百三十里隄外即有
淘北河一道相傳即黃河故道也去歲之水委
由荆隆口決入挾淘北河衝決本隄之大社口
致有昏墊之患荆隆口雖決而本隄堅固則亦
豈至兩邑之沮洳哉是荆隆口隄實爲此隄之
藩籬而此隄實長東二邑之民所恃以爲命者
也但荆隆口隄係河南開封府所屬二邑豈能
兼制所可守者惟此長隄耳然守隄之法不外
于官夫之專設物料之預備而今皆無之是與
無隄同矣謹將該道所議善後事宜逐一斟酌
列款上

請伏望

敕下該部再加查議如臯臣言可採覆

請施行庶隄防可固而水患可弭矣謹題請

吉

計開

一議管河官駐劄以便修防臣查得大名
府原有管河通判一員駐劄本隄之杜

勝集後因河道安流革去管河通判而以本隄俱屬長垣縣管理業已視此隄爲贅旒矣今議巡捕通判兼管河防亦無不可但該府去隄幾三百里伏秋之時呼吸變態本官豈能遙制臣

請每歲自五月初一日起至九月盡止本官仍宜移駐社勝集本集原設有管河衙門行令長東二縣再加修葺以便棲止督同兩縣掌印管河等官往來巡視晝夜隄防其本隄原有大岡杜勝各巡檢司亦聽本官分委哨瞭庶防守有人而災沴可免矣伏乞

聖裁

一議夫役以便工作臣惟守隄之有夫即守城之有兵兵以禦寇夫以禦河必不可缺者也長隄雖築未經設有一夫則平時之修葺臨事之隄防誰與爲役且夏秋正當農忙之時起倩鄉夫怨咨必

起甚非長民之道而有夫則有舖蓋之
便棲息也查得長垣縣該隄九十七里
每五里建舖一座該舖一十九座每舖
設舖老一名夫九名共應設夫老一百
九十名東明縣該隄三十三里該舖十
座應設夫老共七十名平時則覓取老
土加幫高厚水至則捲築埽料隄防汕
刷初春之時則栽插卧柳以護隄址庶
工多事集而衝決可免矣伏乞

聖裁

卷十

四七

二百五十九

一議處錢糧以備工料臣查得瀕河郡縣
俱有河道錢糧而大名府獨無者以久
無河患不復議處也至如去歲河水突
入茫無所措不免空帑藏而爲之甚非
計之得者今查兩縣共該建舖二十六
座每座工料銀五兩二錢共該銀一百
二十餘兩此非每歲額銀議於長東二
縣自理紙贖銀內支建不必別議外其

天老一百六十名每名該給工食銀六兩共該銀一千五百六十兩每年稻草繩麻等項約需銀二百兩通共該銀一千七百六十兩內除每歲徵收蒿草銀三百三十六兩尚欠銀一千四百二十四兩行據通判李敷榮長東二縣知縣周嗣哲朱誥議稱並無別項錢糧合於兩縣徵收本府夏秋存糧銀內動給其物料銀兩有事年分方准銷筭如此則工費有備而修防克濟矣伏乞

聖裁

一查復舊規以便分任臣惟分土分民各有專責長隄乃長東二縣分管之地後因革去管河通判遂將本隄盡屬長垣一當有事之時在長垣則民非所轄難於呼集在東明則隄非所轄難於調度事之掣肘莫有甚于此者臣

請查復舊規照地分管屬長垣者以修守責之長垣

屬東明者以修守責之東明無事均享其逸有事各任其勞庶事無推諉而工可責成矣伏乞

聖裁

一分別妍媸以便委任臣竊惟治河之官全在得人苟非其人立至傾圮臣於閱視之時將該府縣管河官備加諮訪及面與確議河上事體看得通判李敷榮年力既當壯猷之時才識亦為敏達之

卷十

四十九

二百五十三

質長垣縣縣丞張九二河上事體俱能通曉且隄上工程皆係兩官首尾合無行令久任俸滿之日加銜管事六年通考任內果無河患破格超擢其東明縣縣丞徐衍性雖醇實齒實衰類問其隄工東西莫辨但任淺無過似應送部調用員缺乞行撫按衙門即於所轄州縣佐貳官內擇其廉能年壯者或陞或調就銓補促今到任管事以為來歲修

防之計庶分理得人而河防允賴矣伏
乞

聖裁奉

聖旨工部知道

工部覆前疏

題為議守輔郡長隄以防水患以保民生事該總
理河道右都御史潘季馴題前事奉

聖旨工部知道欽此欽遵抄出到部送司案查萬曆
十五年十月內該巡撫保定右僉都御史張西

卷十

五

二百五十六

銘題為查築河防并議專任責成以永奠民居
事內題議築大社集隄并將大名府巡捕通判
及長垣等縣佐貳加添兼管分管河防各緣由
本年十二月內又該查勘督理河工工科都給
事中常居敬題為查議河防以圖永利事內題
議修築長垣等縣大社等集隄岸決口深潭緣
由俱經本部覆奉

欽依備行保定撫按轉行管河司道各官一體欽遵
訖今該前因隨將議動大名府夏秋存留銀兩

移咨戶部依議前來似應具題案呈到部看為
大名府為

畿輔重地其屬縣長垣東明境內原有長隄一道
捍禦黃河則兩縣之民所恃以為命而亦張秋
運道所倚以為固者也去年河決大社口滄沒
遠近為居民運道之虞上厯

宸衷特遣工科都給事中常居敬會同撫按諸臣修
築前隄民困始蘇然隄之既壞修築為先隄之
已完防守為要若官夫不設物料不備雖有隄

卷十

五十一

防何能永固所據總理河臣潘季馴將善後事
宜列款上

請區畫曲當深于河防有裨內除分別妍媸以便委
任一款移咨吏部議覆外其議管河官駐劄以
便修防等四事係隸本部職掌相應依擬覆
請恭候

命下本部備咨戶部總理河道保定巡撫衙門及咨
都察院轉行直隸巡按御史督行大名道府縣
官員一體遵奉施行

興亞院禁北邊總部

計開

一議管河官駐劄以便修防

前件看得大名府管河通判駐劄府城距隄幾三百里黃河衝決呼吸變態豈三百里之外所能遙制今議每歲自五月初一日起至九月終止本官移駐杜勝集督率東長兩縣掌印管河官及大崗杜勝二巡檢司晝夜巡守其駐劄處所即將原設衙門修葺尤為省便相應依議伏候

卷十

五十一

二百四

聖裁

一議夫役以便工作

前件看得禦河必以隄守隄必以夫此事實相須不可缺一者大名久無河患雖有故隄基址並未設有一夫及至伏秋水發輒起鄉夫修守甚屬未便今議長東兩縣各照地里遠近設夫以守隄設舖以處夫至若培土千

平時捲埽于水至裁柳于初春所以
用夫之法尤為纖悉出當相應依議
伏候

聖裁

一議處錢糧以備工料

前件看得舖舍夫老既已議設隄守固
有備矣然修舖舍則費工料設夫老
則費工食而稍草繩麻皆應用物料
不可缺者今議舖舍二十六座聽長

卷十

五三

東二縣自理贖銀支建其夫老工食
及稍草等項物料共該銀一千七百
六十兩除每年蒿草銀三百三十六
兩尚欠一千四百二十四兩于本府
夏秋存糧銀內動支前項物料銀兩
無事徵收貯庫有事方准支銷庶工
費既備而出納亦明矣相應依議伏
候

聖裁

一查復舊規以便分任

前件看得長隄在長垣縣界九十七里
在東明縣界三十三里舊規原係分
轄後因裁革管河通判遂將本隄盡
屬長垣地分不明易得推諉今議查
復舊規照地分管庶修守各有專責
而臨事不致推調相應依議伏候

聖裁奉

聖旨依議着實行

卷十

五十四

吏部覆前疏

題爲議守輔郡長隄以防水患以保民生事准工
部咨該總理河道右都御史潘季馴題前事奉
聖旨工部知道欽此欽遵咨部送司案呈到部看得
總理河道右都御史潘季馴條議欲將大名府
通判李敷榮長垣縣縣丞張九二俱令久任及
議將東明縣縣丞徐衍送部調用員缺即於所
轄州縣佐貳官內就近銓補各一節除通判李
敷榮縣丞張九二行文選司停其陞轉准留

在任管理河工俟其久任果有成效容臣等另行優叙外爲照河工重大必須委任大小官員皆得其人方能濟事所據東明縣管河縣丞徐衍雖係新任但既稱尋常豈足幹辦查有真及府棗強縣縣丞鈕鎰各院道所註考語有強健精敏之稱必稱管河之任可以更調既經河道都御史具題前來相應酌議覆請恭候

命下將鈕鎰改調東明縣徐衍改調棗強縣各縣丞本部各給文憑令其到任管事仍咨總理河道及撫按衙門各遵照施行奉

聖旨是

恭誦 綸音疏

臣潘季馴謹

題爲恭誦

綸音不勝感奮敬陳治河鄙見伏候

宸斷事伏念臣自嘉靖肆拾肆年至今謬承總河之命者肆矣向來治河之法惟是率由舊章非兩河之故道不敢尋非已試之成規不敢蹈每自恨其

智識凡近器局拘孿無能炫奇更新以報涓埃
之萬一也茲沐我

皇上非常之恩尤當有非常之報故自入境以來延
袤千餘里內周諮荒度足遍而目及之矣而卒
無可以他圖者然猶謂河南為黃河上流或可
別求長計頃於九月初七日躬率管河道副使
陳九仞開封府知府王見賓同知吳克勤歸德
府知府陳禔通判陳思論及各該州縣掌印管
河等官北自考城以至武陟南自滎澤以至虞

城又自河南至大名府所屬長東二縣將黃沁
二河延隄踏勘大禹所治故道歲久湮沒已不
可考有云自荆隆口經廣大二府地方出北海
者臣謂縱使可復無論移河南徐淮之患於北
直隸諸府而二洪乾涸運艘難浮不可也或云
復貫魯河自滎澤而達渦河者無論二洪乾涸
運艘難浮而鳳泗

祖陵重地壹淮尚且不支况益之以黃乎不可也或
云分河合潼衛二水出臨清可殺水勢者沁

河之濁不減黃河小灘見苦淺澁增此一河必
至於塞不可也檢括故牒諮詢父老始信治河
之法惟有修防必難穿鑿方擬備陳觀縷恭候
聖裁頃於十月初五等日准吏工二部咨奉

聖旨朕聞黃河衝決爲患不常欲一觀渾河以知水
勢昨見河流洶湧因念黃河經行處所經理防禦
倍宜加慎河道官員還行文與他都著用心任事
務壹勤永逸勿勞民傷財以爲故事自今推選委
用務在得人吏工二部知道欽此欽遵焚盥跪誦

卷十

五七

不勝感服不勝悚惕仰見我

皇上畱心國計加意民生因渾思黃有觸卽感知黃
河之衝決不常卽思防禦之當慎因防禦之當
慎卽思勞民傷財之當戒因勞傷之當戒卽思
委用之在得人

宸翰龍章不數言而盡治河之道矣臣請以河情水
性併防禦鄙見敬爲

皇上陳之夫黃河由崑崙歷關陝至河南而合渭沁
諸河至徐州而合泗沂諸水至清河縣而合淮

河並入于海其間小谿曲澗之水又有不可勝
言者固無怪其波濤洶湧伏秋勢若滔天考之
書傳自周定王五年河徙矜礫歷漢晉宋元以
至我

朝河決不知幾千百次矣誠有如

聖諭黃河衝決爲患不常者而自發源以至入海處
惟見其合不見其分曾無兩河並行而古今治
河者惟以塞決築隄成功稍事穿鑿非久即廢
何也蓋黃河與清河迥異黃性悍而質濁先臣

張仲義云河水一石六斗泥以四斗之水載六
斗之泥非極湍悍汎溜不可分則勢緩勢緩則
沙停沙停則河飽河飽則水溢水溢則隄決隄
決則河爲平陸而民生之昏墊

國計之梗阻皆由此矣有謂隄能阻水水高隄高
隄無窮已者蓋不知隄能束水歸漕水從下刷
則河深可容故河上有岸岸上始有隄平時水
不及岸隄若贅旒伏秋暴漲始有逾岸而及隄
址者水落復歸于漕非謂隄外即水而旋高旋

增也昔禹導河入海而必先之以陂九澤者陂
非隄乎有謂水欲其洩決以洩水安用築為葢
不知濁流易壅洩於決則必壅於河必無兩全
者昔鄒子之決漢武親臨羣臣負薪投馬沉璧
方克有濟亦豈好為艱難之事以自取勞苦哉
誠有見于此也故治河之法惟有慎守河隄嚴
防衝決而

聖諭經理防禦倍宜加慎之外更無他策矣舍此而
別興無益之工即為勞民舍此而別為無益之

卷十

五九

費即為傷財然總之在於得人而已臣自六月
至今日與司道諸臣丁寧告戒惟以修防為事
今歲霖雨連綿河水暴漲者十餘次仰仗我
皇上聖德所格百神效靈

聖意所鍾百僚用命兩河翕猶往來無阻臣亦庶幾
藉以塞責矣然循途守轍之事誠不自滿於心
直至河南閱視之後眇無他道可尋故益信防
禦之當慎矣除申明修守事宜已經具

題該部見在議覆其河南應修應改隄工應添應

更官員候管河道議呈至月另行題

請外伏望

敕下該部再加查議如果臣言不謬容臣申飭各該
大小官員謹遵

聖諭毋惑淆言一意修防毋怠職業如有沿襲故事
輕役大衆虛糜錢糧容臣指名叅究其輸忠赤
務保無虞臣由髮及膚自頂及踵皆我

皇上生成至恩才識所及殞身何辭必不敢有一毫
未盡之心纖芥未竭之力自干斧鉞之誅也臣

卷十

十

二百五三

無任激切屏營之至緣係恭誦

綸音不勝感奮敬陳治河鄙見伏候

宸斷事理謹題請

旨奉

聖旨工部知道

工部覆前疏

題爲恭誦

綸音不勝感奮敬陳治河鄙見伏候

宸斷事該總理河道右都御史潘季馴題前事等因

奉

聖旨工部知道欽此欽遵抄出到部送司案查本年九月內該總理河道右都御史潘季馴題為申明修守事宜以圖永賴事內條議又任部臣禁調官夫等八事緣由已經本部覆奉

聖旨河道每歲修防先年題有定規乃各該官員不行著實遵守曠職誤事這所議俱依擬行如有仍舊怠玩的總理河官指名參奏重治欽此備行總理河道鳳陽保定河南山東撫按衙門轉行管河

卷一

空

三百七末

司道及劄付管河管閘郎中主事等官一體欽遵訖今該前因似應具題案呈到部看得總理河道右都御史潘季馴題稱仰承

綸音敬陳治河專在慎守隄防一節為照

國家財賦仰給東南轉運必由黃河治河必賴隄防所從來久矣頃自隄防少懈以致黃河泛溢乃言者不知治隄即所以治河始議復故道開支河合沁衛以殺水勢諸說不一則河防不專河防不專則河患不息然則一議論專修防

今日之要務也總理河道右都御史潘季馴久
歷河務熟知水性且感

殊異之恩冀效非常之報徧履省直地方備詢古今
事宜乃題稱黃河之必不可分與隄防之必不
可廢言皆有據行可底績蓋惟閱歷多而聞見
真故持論定而利害審非但一時之謀實爲經
久之計相應如議題

請以仰答

綸音於萬一恭候

卷十

六十二

命下容臣等備咨總理河道河南山東保定鳳陽各
巡撫及咨都察院轉行各該巡按巡漕巡鹽御
史并劄付管河管閘郎中主事督率各該道府
州縣官員務要恪遵經理防禦倍宜加慎

聖諭及本部近日覆奉

欽依修守事宜如有作聰明亂舊章勞民傷財徒損
無益與創爲臆說及蹈襲陳言阻壞成規致誤
國計者聽部科總河衙門重行參究然臣等又行
說焉伏讀

聖諭自今推選委用務在得人蓋人存斯政舉而任法尤不如任人也竊惟季馴治河屢試輒效有臣如此亦既得人矣伏願

皇上重其權久其任假之便宜而責以成效必能為皇上紓南顧之憂建久長之策其所屬大小管河官員如有陞遷降調等項俱聽本官甄別議處移咨吏部施行則修守無不得人而河防益為永固矣奉

聖旨是近年河道官員不行遵守修防事宜因循廢弛致有踈虞却又紛紛建議意見雜出何裨實事今後務遵明旨加謹防禦每年終總河官將所屬河道部司等官甄別具奏